

Audrey Lacle

Perde e interes di nos e pueblo cumprado y e inkietud di nos bishitantenan ta e riesgo cu nos Caya Grandi ta core. Desde cu shopping mall di tur sorto y tamaño a cuminsa lanta manera paddestoel rond di nos isla en particular dilanti e hotelnan, tur hende a cuminsa pronostica Caya Grandi su morto. 'No mientras e ta den nos mes man', Audrey Lacle ta bisa. Dos esfuerzo grandi lo rebiba nos Caya Grandi prome cu ta lat.

Adoptando adictonan: SALBANDO CAYA GRANDI

Audrey Lacle a lanta mirando e esfuerzonan grandi di su mama, Señora Maggy (q.e.p.d), purba monta un negoshi den temponan dificil. Na aña 1948 Maggy a habri su prome negoshi na San Nicolas yama Aruba Beauty Salon. Despues di algun tempo Maggy a bay Playa pa habri Maggy's Kapsalon den e edificio actual di Mrs. Minute. Na aña 1955 Maggy a pone su bista riba un tienda den Nassaustraat, el a convence banke-ronan cu ta ey e mester ta y e tabatin razon, ya cu e tienda t'ey awe ainda, 53 aña despues. Maggy a biba pa mira su negoshi crece y expande hopi. Lamentablemente Maggy ta fayece 1 october 2004 un dama leyenda den e mundo di negoshi. Manera cu su yiu stima Audrey a caba school na 1980, Maggy a cuminsa retira; el a haci Audrey encarga cu varios departamento, Audrey no a perde e oportunidad di pone e negoshi sigui crece. **Na 1983 nos a cumpra un edificio pega na nos y a annex e y pa**

1985 nos tabata den renobacion. Mey mey di esaki dia 19 feb 1985 e lugar ta kima. Apesar di tabata onderverzekerd y por a scapa poco, nos a dicidi di sigui padilanti. Corda cu esaki tabata e tempo cu Lago a sera, Bolivar a cay, Arubianonan a bay biba Hulanda. Asina mes nos a buldoze e edificio bieuw y dia 30 october 1985, nos a logra habri Maggy's bek, mas grandi mas bunita, nos a hacie practicamente un 'must visit' pa turista. Den tur di e aña malo ey, Audrey Lacle a ta mira bida cu un otro wowo, e ta mira oportunidad pa sigui crece. Audrey, awor como Managing Director a sigui expande e marca.

Na 1987 nan a habri e prome outlet na Golden Tulip. A habri tambe algun boutique cu paña renombra, pero esaki a haci e trabou di Aurey bira hopi pisa, pasobra tin hopi biahamiento involvi. Na 1995 nan a dicidi pa concentra riba perfume, cosmetica y salon di beyeza. **Nos a sigui profesionaliza, y nos a sigui**

branch out. Na San Nicolas nos habri un tienda na december '95; na Palm Beach otro branch na maart 96. Den Sonesta Mall e tempo ey, a habri un kapsalon di Maggy's. Corda cu esaki ta durante e añanan di Aruba Quality Foundation, Maggy's ta bira un di dos negoshi pa logra e 'Bronze Award'. For di April 2004, Audrey tabata cla pa habri su tienda di mas espectacular den Paseo Herencia. E super mall aki mes ta haya contratiempo y ta logra habri Maggy's porfin na 18 juli 2007. Ainda na October 2007 nos a logra habri un outlet den e port terminal, solamente pa turismo di crucero. Pero tin hopi hende no sa cu tur nos tiendanan ta duty free, nos prijs ta mas abou cu retail na Merca, nos no ta cobra BBO, pues e Arubiano tin e bentaha cu nan ta haya e prijs mas abou posibel. Esey tabata e bentaha cu Maggy's semper tabatin, esta nan no a concentra riba turismo so pa nan sigui biba sino nan a conta e pueblo di Aruba

como nan clientela fiel.

Alavez Audrey a mira den tur e exito aki un cambio den nos Caya Grandi. Drogadiccion a yega nos pais y a cuminsa 10 aña pasa cu algun persona visiblemente adicto, despues mas y mas y despues di e shelter por a mira e cantidad ta redobla. **No unicamente adiccion na droga a cuminsa bira un problema, pero alavez nos tiendanan a cuminsa sali di Caya Grandi pa crea un 'bottleneck' serca di waf. Pa atende cu e ultimo nos a crea Mambo, un organizacion cu tarea di haci caya mas atractivo mediante actividad. E situacion di trafico den centro a bira peor.** Pues Audrey y e miembronan di Mambo a aplaudi e esfuerzo di comerciante Raoul Henriquez, pa bin cu un organizacion y ideanan pa upgrade y mantene e infraestructura di Caya Grandi. **Nos a mira e cambionan den trafico ta bin, e trabou preparatorio ta sigui unabes nos logra haya e 'Ministeriele Beschikking', nos por cuminsa haci e trabounan grandi pa nos Caya Grandi, Caya Libertador Betico Croes.** Audrey tin cu observa si, cu hopi comerciante mes ta dehado y no ta asisti na reunionnan pa haya sa mas di e proyecto. Den esaki lo mester bin Garashi di Parkeo di piso, security general, limpieza, matanan nobo y bunita y en general lo haci henter e area di Mainstreet mihor cu un mall.

Nos por haci Caya Grandi mas bunita, segun Audrey, pero drogadiccion sin dak, lo keda un problema, si nos no actua awor. **E idea di Shelter den su esencia por tabata bon, pero e ehecucion a laga di desea y embes di saca e personanan aki for di e bida di drogadiccion, el a bira un sitio pa refresca y sigui haci malo.** Audrey ta bisa cu nan no t'ey pa critica, nan t'ey pa contribui. Despues cu bishitantenan di Caya Grandi a cuminsa keha di destruccion na nan auto, menaza si nan no duna placa na e droga adicto, el a mira cu e no por laga den man di otro bin cu solucion. Den esey Audrey hunto cu un team chikito di persona, a busca un otro approach. **Centro Dakota tin 40 cama, na Centro Colorado tin 72 cama, pero nos adictonan sin cas cu ta ambula den centro y bira rond di 2500 persona, pues ta bisto cu e dos centronan apesar di ta bon**

bini lo no resolve e situacion critico riba nos isla. Audrey Lacle a haya informacion y contacto cu Hogares Crea. Aki nan a inform'e cu e cuida di un adicto ta costa 100 dollar pa luna y e tratamiento ya dura un average di dos aña. Despues di un tiki brainstorming a scohe pa e modelo di laga personanan of negoshinan adopta un di e adictonan aki y yuda nan riba nan caminda di recuperacion. Audrey a spera di topa cu resistencia, net lo contrario a pasa. **For di momento cu nos a lanta e Fundacion 'Adopt an addict' nos a haya un grand cantidad di hende cu kier yuda di un forma of otro. Nos directiva a keda completa**

cu entre otro, Barbara Huge a bira nos vice presidente, Tony Nemecek, Frank Tieleman, Juliska Harms, Robby Guda y Jonathan Velasco ta algun den nos directiva. Pa yuda nos papia cu e adictonan riba caya Gigi Helder, Eugene Erasmus y Speed ta keda papia cu e adictonan prepara nan mentalmente of ta convence nan pa duna recuperacion un chens y nan ta logrando hopi bon mes. Audrey ta menciona cu tin hopi hende mas ta traha den comicionnan specializa, demasiado pa menciona y tur ta hacie gratuitamente. Medionan di comunicacion a ofrece pa recauda fondo via nan radio of corant, semper en





busca di donacion manera placa, paña, zapato, pasta di djente, etc Na nomen- to cu nos tabata entrevista Audrey, ya e fundacion a manda 13 adicto pa Santo Domingo y e directiva mester a acumu- la riba 5-mil florin pa e pasashi di e si- guiente 6 adictonan por biaha, hunto cu nan guia. Un di e adictonan femeni- no di mas conoci den centro ta den re- cuperacion actualmente esta Natalie. E

manera cu nos ta funciona ta cu nos ta manda un carta pa un compania y nos ta puntra nan si nan ta dispuesto pa contribui cu e recuperacion di e adicto. E compania normal ta scohe sea den of un dos pago; tambe ta posibel 12 pago cu ta hopi usa door di personanan in- dividual. Nos ta haya 15 yamada pa dia di hendenan cu mester di ayudo di un forma of otro pa motibo di adictonan, pero e trabou ta grandi pasobra, mes- ter haya e adicto willing pa bay, hopi no tin passpoort mester yuda cu esey, mester laga corta nan cabey, busca car- chi azv, haci e test di sanger etc. Hopi di e guianan, ta perde nan dia pa hiba e hendenan aki Santo Domingo.

Pronto e fundacion ta bay estrecha nan acuerdo cu Hogares Crea.

E investigacion cu e fundacion a haci ta limita te awor, pero ya caba ta bis- to cu hopi mayor awendia ta percura pa duna nan yiunan e material cu nan mester, pero no e amor cu ta lo mas im- portante. E mucha ta crece cu un bashi, cu ta pone nan bay busca pa yena esaki cu algo otro, hopi biaha droga y alcohol. **Tin asina hopi mucha cu ta bay for di school, nan no ta pensa riba e conse- cuencianan di nan accionnan. Tambe bo tin mayornan cu ta haya yiu na jong, pero kier keda 'trip'.**

Audrey Lacle kier a pasa e presiden- cia di tanto MAMBO como e Funda- cion Adopt an Addict pa otronan, pero ambos directiva ta haya cu e manera di papia y pone cos move di Audrey ta ne- cesario, e sa con pa papia cla.

En realidad nos ta cumprando un tiki tempo, pasobra denter di 24 luna e personanan aki ta yega nos pais bek

rehabilita y mester tin un opvang cla y follow-up, pa nan por re-integra den nos sociedad. Nos tur mester traha cu un meta cu tur nanishi den e mesun di- reccion. Nos lo keda reuni cu e depar- tamento di asunto social, di husticia, di labor y tur otro cu por contribui na haci e trabou aki uno continuo. E ta un tra- bou di cooperacion integral, e ta afecta nos tur, pues nos tur tin cu traha pa logra un meta.

Audrey ta pensa cu bo tin cu han- dle e reto aki manera un negoshi, bo no por para keto, si purba algo manera e shelter, dun'e su tempo y evalu'e. Si e bay bon, sigui cune, si e no ta duna resulta- do, stop cune y purba algo otro. Mester evita burocracia, busca profesionalnan y laga nan traha. **Tuma e ley di curatele por ehempel, e ta yuda pero un grupo masha chikito, tin un wachtlijst largo, tempo ta pasa y e bentana cu bo tin pa yuda un adicto ta sera y bo ta perd'e.** Pues den e mundo di adiccion aki bo mester ta rapido, bo mester keda evalua y adapta, manera cu lo bo a hacie den un negoshi.

E dos proyectonan aki, pues Down- town Management y Adopt an Addict, mester restablece nos Caya Grandi como e lugar cu bo mester bishita ora bo yega Aruba y haci nos centro un bia- ha mas, e prome lugar pa haci compra. 

Helpline: 747-3094

